



25. januar 2011

UPA2011/47

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Danskit atornerluisunut katsorsaannermut ilinniarfiutai pioreersut suleqatigalugit atornerluisunut katsorsaasutut ilinniarneq kalaallisut ingerlanneqartalernissaa pillugu apeqquteqaat allaavigalugu oqallinnissamik siunnersuut.**

(Inatsisartuni ilaasortaq Astrid Fleischer Rex, Demokraatit)

**Tungavilersuut**

Demokraatini isumaqartuaannarpugut, inuiaqatigiinni inuit ataasiakkaat imminnut paarisariaqartut. Ajoraluartumilli maani nunami assigiinngitsorpassuartigut atornerluisut amerlilluinnarsimapput, taakkunanngalu imigassamik, aangajaarniutinik aningaasanoornermillu pinngitsuuisinnaajunnaarsimasut angisuumik ajornartorsiutaalersimallutik. Pinngitsuuisinnaajunnaarneq inuninik ataasiakkaaginnarnik ajornartorsiortitsilerneq ajorpoq, ajornartorsiutillit ilaqtutanut, sullivimmut ikinngutinullu sunniuteqartarput. Taamaattumik Demokraatinut pingaarpoq sapinngisamik amerlanerpaat ingerlalluaqqileqqullugit periarfissanik nassaarniartuarnissaaq.

Inuit atornerluisuujunnaarsinniarlugit sulinermi, katsorsaaneq pingaartumik inissisimavoq, taamaattumik isumaqarpugut, suli amerlanerit katsorsaasutut ilinniarsinnaalertariaqartut. Ullumikut pikkorissunik kalaalpassuaqarpoq, kalaallisuinnaq oqaasilinnik inulerinissaminnullu piginnaaneqartunik. Katsorsaasumut ilinniarneq kalaallisut ingerlanneqalersinnaasuuppat, upperaarput, suli amerlanerusunik pikkorissunik katsorsaasunik peqalersinnaagaluartugut, suleqataasinnaasunik suli amerlanerusut katsorsartinnissaannut. Pingaartorujussuuvoq, nammineq inunnguu-seralugu oqaatsit katsorsaasutut ilinniarnermi atorsinnaanissaat.

Kissaatiginngilarput, nunami maani nutaamik ilinniarneqarsinnaasumik pilersitsinissaaq, kissaati-giinnarparput ilinniakkap kalaallisut ingerlanneqalersinnaanissaanut periarfissat misissornissaat. Tamanna pissaaq atornerluisunik katsorsaasutut ilinniarfiit pioreersut suleqatigalugit.



Taamatut oqaaseqarlunga Naalakkersuisut akissuteqarnissaannut qilanaarpunga kiisalu partiit al-  
lat saqqummiussassaannut.